



Publicaziuns dalla vischnaunca, jamna 3

Cussegl da vischnaunca

Seduta constitutiva dil cussegl da vischnaunca

Venderdis, ils 13 da schaner 2017 ha giu liug la seduta constitutiva dil cussegl da vischnaunca per la perioda d'uffeci 2017/2020. La manifestaziun festiva ei vegnida enramada da bialas producziuns dalla Societad da musica Mustér sut la direcziun dad Aluis Hosang. Sco niev president dil cussegl da vischnaunca ei Christoph Berger vegnius eligius. Alla fin dalla seduta ei vegniu offeriu in puschegn, preparaus cun gronda premura dalla Gruppa da puras Mustér.

Avertura

En siu plaid d'avertura ha il president communal Robert Cajacob fatg allusiun da nossa attractiva vischnaunca che porscha als habitonts sco als hosps fetg bia. Medemamein ha el fatg menziun dalla vivida cultura en vischnaunca, dil giubileum da 100 onns dil Chor baselgia s. Gions sco era dil chor baselgia da Segnas che sa festivar uonn il medem giubileum e dalla Societad da musica Mustér che survegn el decuors dalla primavera novas munduras. Gronda peisa ha el mess sil turissem che vegn per nossa vischnaunca pli e pli impurtonts. Cheu ha ei num tener aviert ils egl e procurar che la purschida mondi a prau cun nossas finmamiras.

Plinavon ha el fatg attents convischinas e convischins sin las investiziuns e las sanaziuns che stattan avon nus e ch'il deivet dalla vischnaunca vegni ord quellas raschuns a crescher considerablamein.

Menziunau ha el era l'impurtonza dils investurs en nossa vischnaunca. Gronds projects ein gia vegni realisai, fetg gronds ein sin buna via da vegnir realisai. Buns segns per in activ futur per nossa vischnaunca.

Discussiuns da fusiuns e stretgas collaboraziuns cun las vischnauncas vischinontas vegnan ad cum-pignar nus ils proxims onns.

Undraziuns

Il president communal ha engraziu cordialmein als officials che han demissiunau per la fin 2016. Durent onns e decennis han els prestau gronda lavur per la communitad. Sco segn d'engrazieivladad e renconuschientscha han els obteniu in regal persunal. Ei setracta da Francestg Cajacob (4 onns president communal e 10 onns commember dil cussegl da scola); Roger Tuor (11 onns commember dalla suprastanza communal e 6 onns vicepresidente communal, 6 onns commember dil cussegl da vischnaunca); Cecilia Maissen-Desax (8 onns commembra alla suprastanza communal e 6 onns commembra dil cussegl da vischnaunca); Madlen Deflorin-Spescha (6 onns commembra dalla suprastanza communal e 2 onns commembra dil cussegl da vischnaunca); dils cussegliers da vischnaunca Flavio Murer (8 onns cussegl, 8 onns cumissiun da gestiun ed autras cumissiuns); Jordana Lozza-Desax (8 onns cussegl e diversas delegaziuns); Alfred Spescha (8 onns cussegl); Adrian Bigliel (4 onns cussegl); Adrian Pally (4 onns cussegl e diversas delegaziuns); Rico Tuor (4 onns cussegl); Silvio Candinaz (3½ onns cussegl); Marco Schmed (rodund 2 onns cussegl e cumissiun da baghegiar). Plinavon ein seretratgas dil cussegl da vischnaunca Ulrike Lechmann-Krabacher (8 onns) e Regina Giger-Caminada (biebein 1½ onn). Per siu nunstuncienteivel engaschi da scriver durent varga 16 onns ils protocols dil parlament communal ei Ervin Maissen vegnius undraus. Alla fin dallas undraziuns ha il president communal era menziun las demissiuns en differentas cumissiuns e delegaziuns.

Elecciuns per la perioda d'uffeci 2017/2020

Sco dumbravuschs ein Adrian Deflorin e Helga Probst- Linder e sco suppleants Armin Berther e Giuseppe Lozza vegni eligi.

President e vicepresidente dil cussegl da vischnaunca per 2017

Pigl onn 2017 ei Christoph Berger vegnius eligius sco president ed Armin Manetsch sco vicepresidente. Suenter la saramentaziun dil president dil cussegl da vischnaunca e dil president communal ei suandau la saramentaziun resp. empermischun dils ulteriurs commembers dil cussegl da vischnaunca, dalla suprastanza communal, dil cussegl da scola e dalla cumissiun da gestiun.

Actuar

Sco actuar dil cussegl da vischnaunca per 2017 ei Paul Duff vegnius eligius.

Vicepresidente communal per 2017/2020

Il cussegl da vischnaunca ha eligiu unanimamein gerau Iso Mazzetta sco vicepresidente communal per la perioda d'uffeci 2017/2020.

Cumissiun da baghegiar

Simon Bisquolm, Corsin Bundi, Dario Manetsch e Ronny Zanin. Il cau dil departament da baghegiar, gerau Iso Mazzetta ei ex officio commember e president dalla cumissiun.



Premi Desertina

Cura che la seduta dil cussegl da vischnaunca ei stada a fin ei sunter ina interrupziun da 6 onns puspei vegniu surdau il Premi Desertina. Cul premi da promoziun ein ils Movis, la gruppaziun che promovava dapi 17 onns il semover e saltar oravontut d'affons e giuvenils da Mustér e contuorn, vegni undrai. En num dils Movis ha l'inizianta Esther Hendry Decurtins priu encunter la distincziun. Il premi da renconuschientscha ha Aluis Hosang astgau retscheiver per siu grond engaschi cultural oravontut sco ordvart premurau dirigent dalla Societad da musica Mustér e dil Chor-baselgia s. Gions.

Suprastonza communal

Referendum facultativ spirau

Il 9 da december 2016 ha il cussegl da vischnaunca concediu unanimamein in credit net da frs. 435 000.– per realisar il project da canalisaziun Acletta Funs. Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala.

Suprastonza communal

Exposiziun officiala nr. 2016-1069.000

– dalla damonda da baghegiar per la sanaziun totala dalla Via Run e dalla Via Funs-Dado sco era

– introducziun dalla procedura d'expropriaziun tenor il dretg cantunal d'expropriaziun (exposiziun dils plans)

A basa digl art. 45 dall'ordinaziun davart la planisaziun dil territori pil cantun Grischun (OPT) sco era digl art. 6 en cumbinaziun cun art. 2 dall'ordinaziun d'expropriaziun dil cantun Grischun (OExp) vegn cheutras exponiu publicamein suandonta damonda da baghegiar cul plan davart igl acquist da terren (incl. tabella cugl acquist da dretgs) :

Patrun: Vischnaunca politica Disentis/Mustér

Project da baghegiar Sanaziun totala dalla Via Run e dalla Via Funs-Dado, sanaziun dallas lingias d'avertura e providiment sco era dall'illuminaziun publica

Loghens da construcziun: Parcelas 550, 560, 561, 562, 564, 566, 567, 569, 570, 571, 573, 574, 579, 584, 589, 597, 598, 599, 600, 601, 639, 672, 954, 965, 977, 988, 1027, 1041, 1648, 1650, 2243, 2374, 2387

Schischoms pertuccai digl acquist da terren: Parcelas 560, 561, 562, 564, 566, 567, 569, 570, 571, 573, 574, 579, 584, 589, 597, 598, 599, 600, 601, 639, 672, 977, 988, 1027, 1041, 1648, 2243, 2374, 2387.

Exposiziun publica: Naven dils 20 da schaner 2017

Il plans dil project sco era il plan cugl acquist da terren (cun la tabella davart igl acquist da dretgs) ein exponi publicamein en casa communal Disentis/Mustér (stanza 10) per envesta duront las uras da spurtegl.

Encunter la damonda da baghegiar sa el senn digl art. 45 al. 1 ed al. 4 OPT vegnir recurriu enteifer 20 dis dapi l'entschatta dall'exposiziun publica.

Encunter la damonda per la construcziun d'edificis sper vias cantunalas (damonda per ina lubientscha supplementara) sa tenor art. 54 al. 2 OPT medemamein vegnir recurriu enteifer 20 dis dapi l'entschatta dall'exposiziun publica.

Proprietaris da terren san tenor art. 6 en cumbinaziun cun art. 2 ed art. 3a OExp recuorer encunter l'expropriaziun enteifer 30 dis dapi l'entschatta dall'exposiziun publica resp. la comunicaziun persu-nala.

Protestas ein d'inoltrar a scret a suandonta adressa: Vischnaunca Disentis/Mustér, Casa communal, Via Cons 2, Caum postal 57, 7180 Disentis/Mustér.



Profilaziun/Acts da publicaziun:

- Profilaziun: marcau el liug l'axa dalla via
- Acts da publicaziun:
 - Plans e rapports dil biro d'inschignier Mazzetta (project da construcziun, plan cugl acquist da terren incl. tabella davart acquist da dretgs)

Disentis/Mustér, ils 18 da schaner 2017

Uffeci da baghegiar Disentis/Mustér

**Vischnancas da Disentis/Mustér, Sumvitg e Tujetsch
Meglieraziun generala da Disentis/Mustér**

Exposiziun publica da las midadas dal project d'exposiziun sco era da l'adattaziun dal territori cumpiglià

Sa basond sin l'art. 38 da la lescha da meglieraziun dal chantun Grischun (LMG; DG 915.100) e sin l'art. 97 da la lescha federala d'agricultura (LAgr; CS 910.1) vegnan las actas qua sutvart exponidas publicamain.

Actas d'exposiziun:

Midadas dal project d'exposiziun:

- Plan nr. 1018.5C, 1:2500, midadas dal project vias nr. 9, 9A, 9B, 12A, 12B, 28, 47, 48, 54, 61, 401 e 402

Adattaziun territori cumpiglià:

- Plan nr. 1018.B, 1:500 resp. 1:1000
- Register dals proprietaris

Rapport tar las midadas da project

Lieu d'exposiziun:

Administraziun communal da Disentis/Mustér, stanza da sesidas al plaunterren

Durada da l'exposiziun:

da venderdi, ils 20 da schaner, fin glindesdi, ils 20 da favrer 2017, mintgamai da glindesdi fin venderdi da las 9.00 fin las 11.30 e da las 14.00 fin las 17.00.

Legitimaziun dafar protesta:

La legitimaziun da far protesta han quellas persunas ch'èn tangadas da las actas d'exposiziun e che pon far valair in interess degn da vegnir protegi per abolir u per midar las actas; plinavant er las vischnancas pertutgadas e las organisaziuns naziunalas per la protecziun da l'ambient, uschenavant ch'ellas han er il dretg da far recurs da dretg administrativ tar il tribunal federal.

Protestas:

Protestas cunter las actas d'exposiziun ston vegnir inoltradas en scrit fin il pli tard **glindesdi, ils 20 da favrer 2017** (bul postal), al departament d'economia publica e fatgs socials, Reichsgasse 35, 7001 Cuira.

*Uffizi d'agricultura e da geoinformaziun
Daniel Buschauer*

Gemeinden Disentis/Mustér, Sumvitg und Tujetsch Gesamtmelioration Disentis/Mustér

Öffentliche Auflage der Änderungen zum Auflageprojekt sowie der Anpassung des Beizugsgebiets



Gestützt auf Art. 38 des Meliorationsgesetzes des Kantons Graubünden (MelG; BR 915.100) und Art. 97 des Bundesgesetzes über die Landwirtschaft (LwG; SR 910.1) werden nachstehende Akten öffentlich aufgelegt.

Auflageakten:

Änderungen Auflageprojekt:

– Plan Nr. 1018.5C, 1:2500, Projektänderungen Güterstrassen Nr. 9, 9A, 9B, 12A, 12B, 28, 47, 48, 54, 61, 401 und 402

Änderungen Beizugsgebiet:

– Plan Nr. 1018.B, 1:500 bzw. 1:1000

– Verzeichnis der Eigentümer

Bericht zu den Projektänderungen

Auflageort:

Gemeindeverwaltung Disentis/Mustér, Sitzungszimmer Erdgeschoss

Auflagedauer:

von Freitag, 20. Januar, bis Montag, 20. Februar 2017, jeweils Montag bis Freitag, von 9.00 bis 11.30 Uhr und von 14.00 bis 17.00 Uhr.

Einsprachenlegitimation:

Zur Einsprache ist berechtigt, wer von den Auflageakten berührt ist und ein schutzwürdiges Interesse an deren Aufhebung oder Änderung geltend machen kann sowie die betroffenen Gemeinden und die gesamtschweizerischen Umweltschutzorganisationen, sofern und soweit ihnen auch die Verwaltungsgerichtsbeschwerde an das Bundesgericht offensteht.

Einsprachen:

Einsprachen gegen die Auflageakten sind bis spätestens **Montag, 20. Februar 2017** (Poststempel), schriftlich an das Departement für Volkswirtschaft und Soziales, Reichsgasse 35, 7001 Chur, zu richten.

*Amt für Landwirtschaft und Geoinformation
Daniel Buschauer*

Scola da musica Surselva

Cuors elementars per affons pigns onn da scola 2016/17

Sche nus havein avunda annunzias ei l'enschatta dallas 8 lecziuns dils cuors elementars el 2. semester fixada sco suonda:

Ritmica per affons pigns (4–5 onns, silmeins 6 annunzias)

Liug d'instrucziun: Casa da scola Mustér / aula

Persuna d'instrucziun: Gabriela Tambornino

Temps d'instrucziun: gievgia, 14.15–15.05, naven dils 9 da fevrer 2017

Novs affons ein cordialmein beinvegni. Il formular per annunziar anfleis Vus sin la homepage www.bzssurselva.ch

Uniun samaritana Mustér

Radunonza generala

La radunonza generala statutarica ha liug **venderdis, ils 27 da schaner 2017**, allas 19.30 el hotel «Alpsu». Cordialmein envida

la suprastonza



Til da tscheiver da Mustér/ Fasnachtsumzug in Disentis

Ils **25 da fevrer 2017** allas 14.00 ei il 37avel til da tscheiver a Mustér. L'Uniun da tscheiver Mustér envida pign e grond, da lunsch e da maneivel da separticipar al til. Nus selegrein sin vossas annunzi-
as.

Am **25. Februar 2017** um 14 Uhr findet der 37. Fasnachtsumzug in Disentis statt. Der Fasnachtsver-
ein von Disentis lädt Interessierte ein, am Umzug teilzunehmen. Gerne erwarten wir Ihre Anmeldung.
Annunzias a/Anmeldungen an: Gion Hosang, tel. 079 690 97 42, e-mail: gion.hosang@tscheiver.ch

Biblioteca populara Disentis/Mustér e contuorn

Linard Candreia prelegia e raquenta «La veta d'in cavrer grischun 1915»

Il niev cudisch triling descriva la veta dil cavrer Gion Antona Candreia (1902–1980) da Stierva. Las
bialas illustraziuns cun motivs da cauras derivan digl enconuschent pictur Ludwig Demarmerls (1917–
1992). **Gievgia, ils 26-1-2017**, allas 19.30 en biblioteca populara. Entrada libra. Nus selegrein sin
biars interessents.

Teater a Mustér

«1001 notg en Surselva». Ina cumedia en treis acts da Tobias Siebert

Presentaziuns:

sonda, ils 21 da schaner 2017, las 20.00

dumengia, ils 22 da schaner 2017, las 14.00

venderdis, ils 27 da schaner 2017, las 20.00

sonda, ils 28 da schaner 2017, las 20.00

Reservaziun da plaz: Mintga di las 17.00–20.00. Dis da producziun mo tochen las 19.00. Tel. 081 947
50 29.

Gruppa da teater Mustér

Ludoteca Mustér e contuorn

**19avla radunonza generala dall'uniun Ludoteca Mustér e contuorn, venderdis ils 3 da fevrer
2017** allas 20.15 en ludoteca.

Beinvegni

Tractandas

1. Elecziun d'in/a dumbravuschs
2. Protocol dalla 18avla rg dils 3 da fevrer 2016
3. Rapport dalla presidenta
4. Rapport
 - a) dalla cassiera
 - b) rapport dils revisurs
5. Elecziun
 - a) dall'actuara
 - b) dalla cassiera
 - c) revisur/as da quen
6. Plan da lavur
 - onn da giubileum: acziuns mintga 2 meins
 - collaboraziun cun la scola Mustér
 - concorrenza cumbiniala
 - occurrenza avon il Spar, ils 6 da matg
 - partizipaziun alla fiasta dil vitg ils 12 d'uost



- fiera s. Martin
 - scolaziun da giugs VLGR/Silbermann
 - GV VLGR Davos/Tavau
 - DV dalla Federaziun da Ludotecas Svizra 25-3-2017 Küssnacht am Rigi
 - seras da giugs internas
 - Suisse Toy 12 – 15/10/17
 - cuors svizers
7. Varia

Giubileum 20 onns ludoteca Mustér e contuorn

La ludoteca Mustér e contuorn astga festivar uonn siu giubileum da 20 onns. A caschun da quei giubileum dat ei mintga dus meins ina supresa per pign e grond en ludoteca.

schaner/fevrer: tscheiver
mars/avrel: la lieur vegn
matg/zercladur: primavera
fenadur/uost: juhui – vacanzas!
settember/october: raccolta
november/december: glisch

Il team dalla ludoteca Mustér e contuorn selegra da festivar cun vus ensemen.

Banca Raiffeisen Cadi

Preavis radunonza generala

La radunonza generala dalla Banca Raiffeisen Cadi ha liug **venderdis, ils 21 d'avrel 2017** el Center da sport a Mustér.

*Cussegl d'administraziun e
direcziun Banca Raiffeisen Cadi*

Stalkino – Cinema Salaplauna

«Das Futter kommt vom Boden – Landwirtschaft damals». Archivfilme aus Graubünden. Mesjamna, igl 1. da fevrer, allas 16.00 ed allas 20.00, Klosterhof Mustér/Salaplauna.

Il film «Das Futter kommt vom Boden» muossa differents films cuorts da pli baul el cantun Grischun – far fein selvadi, la lavur dad in mazler, la lavur en connex culla cultivaziun dalla tiara cun paucas maschinas ed auters. Ils films en ner ed alv e senza musica impressiuneschan ils aspectaturs! Collaboraziun cun il Museum Regional Surselva ed il Cinema Sil Plaz Ilanz.

Entrada libra, collecta.

Uniun da dunnas Disentis/Mustér

Radunonza generala, mesjamna, ils 25 da schaner 2017 allas 19.30 el hotel «Alpsu».

Tractandas

1. Elecziun da duas dumbravuschs
2. Rapport annual dalla presidenta
3. Rapport annual dil ressort rudi d'affons
4. Rendaquen e rapport dallas revisuras
5. Program 2017
6. Contribuziun annuala e preventiv 2017
7. Varia

Cordialmein envida

la suprastonza



Gruppa da seruschnar/termagliar

La gruppa da seruschnar/termagliar envida tut ils affons entochen treis onns, ensemen cun lur mumm-mas ni era babs e fargliuns, da passentar in bi suentermiezdi da cumpignia. Als affons vegn purschiu in ambient cumadeivel per termagliar ferton che las mumm-mas/ils babs san sediscutar in cun l'auter. Ei vegn purschiu caffè, te ed aua.

Datum: **Mardis, ils 31 da schaner 2017**, 14.30–16.00

Liug: Casa da scola Segnas, local Artgin

Per ulteriur sclariment saveis Vus contactar Daniela Schmed sut 076 404 82 69.

Datum da publicaziun: mintgamai duas jamnas avon

Datums dallas ulteriuras sentupadas: 28-2 / 28-3 / 25-4 / 30-5 / 29-8 / 26-9 / 31-10 / 28-11-2017

Secziun da catschadurs Péz Alpetta

Radunonza generala, venderdis, ils 27 da schaner 2017 allas 20.15 el hotel «Sax».

Cordialmein envida

la suprastonza
